

III.

Tasin kajigakin mamoiasamata Kije Manito iki mitci kijeniminang. Sibate i kockosiang, pakite-nindamasata ki iasinan. Gackitoiang, ki gat asi sidjisemin ij anamensiketc. Songa ki gat aiamiamin. Aiapite, ondamitaian, ki ga mikasenimanan Kije Manito. Senagocingin, ki gat aiamiamin teibsa maci asi nipaiangin ki ga mitonenindizomin senibik, kiga kaksedjindizomin : anin ka tian non-gom ongajigak? Ka na kekon ningi pacisinigosin maianatak, koni iki pataseian, koni iki patamitone-nindamân, koni iki patatotamân, mi dac ki ga naboatananan : Kije Manito nose, p. 11.

Senikiigoieg, papamitasik, sakiik, ki nikiigosak. Mi eneniminak Kije Manito. Kasin, enabigis, manenimiekekon ki nikiigosak, ka gaie ajitemie-kekon, ka gaie manazomiekekon. Ansetasegşa, gackenindamiegşa, nickiegşa ki nikiigosak, ki ga pacanjeogşa Kije Manito, kiepin dac minsenindamiegşa ki nikiigosak, kiepin sibate gotc papamitasegşa, ki ga minsenimigşa Kije Manito ondaje aking, mi dac saksing kakikekamik kitei minasa-siinak.

Anin ejinikatek otenasan ka papadajiketc Jezos? Nazareth ka daje ooki anieinabesigobanen, Bethléem ka daje nikigobanen, Egypte daje aking ka ininijimointc. Galilée ejinikatek aking ki iji kise,